

## LIAAJLOJ

### JEPTA 1

- [Li1.1] Jikin kweilok eo ekar obrak kōn armej ej jijet im make ian kiiō! Ear erom āinwōt juon kōrā ejako pāleen. Ekar utiej ian aelōñ ko im lirooj ian bukwōn ko, ak kiiō ear erom juon ri kamakoko.
- [2] E]ap an jañ ilo boñ, im dānnin kemjaalal ko an rej toor ion jeban; ejjelok ian ro jeran ej kaenōmman e. Aolep ro mōttan raar moņe; raar erom an ri kōjdāt.
- [3] E jepokwe Juda ilo eñtaan im e]ap jermal. Ej pād ibwiljin aelōñ ko, ak ejab lo kakije. Aolep ro raar lukworkwor e raar tōpar e ilo iien an jorrāān.
- [4] Ial ko an Zaion rej liaajlo], bwe ejjelok ej itok ñan kweilok ko. Ejjelok en ilo kejem ko an otemjej; pris ro an rej ñūrñūr; virgin ro an rej kōmmeñ, im e make emeo.
- [5] Ri jumae ro an raar irooj ion, im ri kōjdāt ro an rejeraamman, bwe Jeova ear kōmman bwe en kōmmeñ kōn an lōñ nana ko an. Ajri ro nejin rej ilok ñan jepokwe imaan ri jumae ro an.
- [6] Aolep aiboojoj eo an ear ilok jān jiroñ eo nejin Zaion. Irooj ro an raar āinwōt kidu hart ko rejab lo jikin mōñā, innām rej ilok im ejjelok aer kajoor imaan ro rej lukworkwor er.
- [7] Ilo raan in an eñtaan im jebwābwe, Jerusalem ear kememej aolep men ko remman rekar an ilo iien etto. Ke armej ro doon raar buñ ilo pein ro ri jumae, ejjelok ear jipañ E. Ri jumae ro raar lo e, im raar kajirekake jorrāān eo an.
- [8] E]ap an Jerusalem kar jerowiwi, kōn men in, ear erom juon men e jokdād. Aolep ro raar koutiej e rej kajekdoon e, bwe raar lo an keelwaan. Barāinwōt e, ej ñūrñūr im oktak liklok.
- [9] An ettoon ej ilo lukko ko an. Ear jab ]ōmñak kōn jemloken. Ekabwilōñlōñ an buñlallok! Ejjelok en ej kaenōmman e. “O Jeova, Kwōn lale aō eñtaan, bwe ri kōjdāt eo ear make kōmmejāje.”
- [10] Ri jumae eo ej erlokwe pein ion aolep men ko remman an. Ear lo ri aelōñ ko de]oñ ilo jikin kwōjarjar eo an, ak kōn er Kwar jiroñ bwe ren jab de]oñ ilo jar eo Am.
- [11] Armej ro an otemjej rej ñūrñūr im pukōt pilawe. Raar le]ok men ko aer remman kōn mōñā bwe ren mour. “O Jeova, Kwōn reitok im kal]ōn]okjeñ kake, bwe ña men in kajekdoon.”
- [12] Ej juon men in kajekdoon ippemi, kom komij ellā jān ijin? Komwin kal]ōn]okjeñ kake im lo e]aññe emōj an wor eñtaan āinwōt aō eñtaan eo emōj kōkkure eō kake, eo Jeova ear kaburomōj eō kake ilo raan in An illu ebwil.
- [13] Jān lañ Ear jilkintok kijeek ilo di ko diiō, im ej kañi. Ear erlokwe juon ok ñan neiō. Ear ukōt eō liklok. Ear kōmman bwe in jepeep]ok im mōj]o aolepen raan.
- [14] Ine eo in jerowiwi ko aō ej pād wōt ioō. Pein ear āji, im rej wanlōñ]ok ion kenwaō. Ear kamōj]o aō kajoor. Irooj ear le]ok eō ilo pein ro im ijab maroñ jutak nae er.
- [15] Irooj ear jo]ok aolep ri kajoor ro aō ro raar pād ippa. Ear kūr nae eō juon kweilok ñan kōkkure likao ro aō. Irooj ej juri virjin eo nejin Juda āinwōt juon kein joniōk grep.
- [16] Ij jañ kōn men kein. Meja, meja rej toor kōn dān, bwe ri kaenōmman eo enaaj kar kaejmour eō ej ettolok jān eō. Ro nejiō rejepeep]ok bwe ri kōjdāt ear anjo.
- [17] Zaion ej erlokwe pein, ak ejab wor juon ñan kaenōmmane. Jeova ear jiroñ kōn Jakob bwe ro ipelaakin ren ri jumae ro an. Jerusalem ej erom juon men ettoon ñan er.
- [18] Jeova ewānōk, bwe I ar kōtrae An in naan. Komwin roñjake mōk, kom armej otemjej, im lo eñtaan ko aō. Virgin ro im likao ro raar ilok ñan jepokwe.
- [19] Iar kūr ñan ro jera, ak raar mōñ eō. Pris ro aō im elder ro aō raar mej ilo jikin kweilok eo ke raar pukōt mōñā ñan make kakajoor er.

[20] Kwōn lale O Jeova, bwe ij jorrāān. Būruō ej lijemōrmōr im ear oktak ilowa bwe eļap aō kar kōtrae. Nabōj, jaje ej kōkkure; lowaan im, mej.

[21] Raar roñ bwe ij nūrñūr; ejab wor eo ej kaenōmman eō. Ri kōjdāt ro aō otemjej raar roñ kōn aō jorrāān; reṃōṃōṃō bwe Kwaar kōmmane. Eokwe bwe kwōn bōktok raan eo Kwaar kōnono kake bwe ren erom āinwōt ña.

[22] Aolep nana ko aer ren iṃaan mejōm, im Kwōn kōmman ñan er āinwōt Kwaar kōmman ñan eō kōn aolep jerōwiwi ko aō, bwe nūrñūr ko aō relōñ, im būruō ekijeļok.

## JEPTA 2

[Li2.1] Eokwe, Irooj ear kalibubu jiroñ eo nejin Zaion āinwōt kōn juon kōḍo ilo An illu. Ear joļok aiboojoj an Israel jān lañ ñan laļ , im Ear jab kememej eran neen ilo raan in An illu.

[2] Irooj ear walōñi im jab tūriamokake aolep jikin jokwe ko an Jakob. Ilo An illu ear jolaļļok aolep jikin kweilok ko rekajoor an jiroñ eo nejin Juda. Ear kōmman bwe ren tōpar laļ; Ear kananaik aelōñ eo im irooj ro an.

[3] Ilo An illu ebwil Ear jeke kajoor otemjej an Israel. Ear kekake Pein anbwijmaroñōn iṃaan ri kōjdāt eo, im Ear bwil ilo Jakob āinwōt juon kijeek eurur eo ej kañ aolep men ipelaaken.

[4] Ear kiele libon eo An āinwōt juon ri kōjdāt; epojak Pein anbwijmaroñōn āinwōt juon ri juṃae, im Ear ṃan aolep ro reṃman ilo ad lale; Ear lutōkļok An illu āinwōt juon kijeek ilowaan ṃōn kapād an jiroñ eo nejin Zaion.

[5] Irooj ear erom āinwōt juon ri kōjdāt. Ear walōñi Israel. Ear walōñi aolep ṃōn irooj ko an. Ear kōkkure aolep jikin kweilok ko rekajoor ko an. Ear koorļok ilo jiroñ eo nejin Juda liaajļoļ im būromōj.

[6] Ear kajeepeeļok ṃōn kapād eo An āinwōt juon atake. Ear kōkkure ṃōn kweilok eo An. Jeova ear kōmman bwe ren melokļok kweilok ko im Sabat ko ilo Zaiōn, im Ear kajekḍoṃ kiñ in pris ilo illu eo An ebwil.

[7] Irooj ear joļok lokatok eo An; Ear kajekḍoṃ jikin ekwōjarjar eo An. Ear leļok kiin ṃōn irooj ko an ilo pein ri kōjdāt. Raar kotak ainikier ilo ṃōj Jeova āinwōt ilo raan in kweilok.

[8] Jeova ear pepe in kōkkure worwor ko an jiroñ eo nejin Zaiōn. Ear erlokwe to in joñwe eo im jab dāpij Pein jān walōñi; im Ear kōmman bwe me im worwor ren liaajļoļ; raar jimor ṃōjṃoļok.

[9] Kejem ko an raar rumļok ilo āneo. Ear kōkkure im bwilok aļaļ ko an. Kiñ ro im irooj ro an rej ippān ri aelōñ ko. Ejako kien eo, kab ri kanan ro an rejab lo vision jān Jeova.

[10] Elder ro an jiroñ eo nejin Zaiōn rej jijet im ikōñ. Raar jolōñļok buñalñal ion baraer; rej kōṃak nuknuk ekilep iden. Virjin ro an Jerusalem raar jilok ñan laļ.

[11] Emat dānnin kōmjālal jān meja. Aō eabnōnō. Eṃōj lutōkļok būruō ion laļ kōn an jorrāān jiroñ eo nejin armej ro doō., im kōn an ajri im niñniñ ļotļok ilo ial ko ilo jikin kweilok eo.

[12] Raar ba ñan jineir, ‘Ewi korn im wain?’ ke raar ļotļok āinwōt ro eṃōj ṃan er ilo ial ko in jikin kweilok eo, im ke aer ejakoļok ilo ubōn jineir.

[13] Elemen aō maroñ kauweik eok? Ta eo in keidi eok ñan e, jiroñ eo nejin Jerusalem? Inaaj kajjioñwe eok ñan ta, virjin nejin Zaiōn? Bwe jorrāān eo aṃ eļap āinwōt lojet. Wōn emaroñ kaejmour eok?

[14] Ri kanan ro aṃ raar lo men ko rewaan im bwebwe, im raar jab kwaļok jerōwiwi ko aṃ bwe ren kōjparok kom jān jepokwe; im raar lo ñan kom men ko rewaan im ko rej kejebwābweik kom.

[15] Aolep ro rej ellã rej kapok pã nae eok. Rej teor im jibolul baraer nae jiroñ eo nejin Jerusalem im ba, “Eñin jikin kweilok eo me armej raar kõnono kake im ba, ‘Eaiboojoj tata im men in lañlõñ an aolepen laj’ ke?”

[16] Ri kõjdāt ro aṃ otemjej raar walõñi loñier nae eok. Raar toek im kijdeken ñiir. Raar ba “Jaar walõñi e. Ilo ṃool eñin raan eo jaar kijerjer ñan e; jaar lo e im e tōptak!”

[17] Jeova ear kõṃṃan men eo Ear pepe kake. Ear kajejjet Naan eo An me Ear jiroñ etto. Ear jolalok im jab tūriamokake, im Ear kalañlõñ ri kõjdāt iom; ear koutiej doon an ri juṃae eo aṃ.

[18] Būruoir raar kūr ñan Irooj. O worwor in jiroñ eo nejin Zaiõn, dānnin kõmjalal en toorlok ãinwõt juon river raan im boñ; kwõn jab kakkije, im mejõm ren jab bõjrak.

[19] Kwõn jerkak! Lamõj ilo boñ ilo jinoin mmij. Kwõn lutoklok būruõm ãinwöd dān imaan mejen Irooj. Kwõn kotak pein ñan E kõn mour an ajri ro nejõm ro rej lõtlok kõn kwõle ilo jabõn ial ko otemjej.

[20] Kwõn lale, Jeova, im lõmṃak. Ñan wõn emõj Aṃ kõṃṃan men rõt kein? Kõrã ro ren kañ leir, ajri ro raar keotaki ke? Ak ren ṃan pris im ri kanan ilo jikin kwõjarjar an Irooj ke?

[21] Ro redik im re rütto rej babu ilal ilo ial ko. Emõj ṃan virjin ro aõ im likao ro aõ kõn jāje. Kwar ṃan er ilo raan in Aṃ illu. Kwar urõt er im jab tūriamokake.

[22] ãinwõt ilo juon raan in kweilok, ãindein Aṃ kar kūr lõñõñ ko bwe ren kapool eõ; im ilo raan in illu an Jeova ear ejjelok ri ko ak eo ear pãdwõt. Aõ ri kõjdāt ear kōkkure ro iar keotak im lale.

### JEPTA 3

[Li 3.1] Ña armej eo ear lo eñtaan kõn aṃ in illu eo An.

[2] Ear tõl eõ im ear kõṃṃan bwe in etetal ilo marok im jab meram.

[3] Ilo ṃool ear ukõt Pein nae eõ aolep iien aolepen raan.

[4] Ear kõṃṃan bwe kanniõkiõ im kiliõ raar ṃorlok; Ear bwilõke di ko diõ.

[5] Ear kajutak nae eõ im kapool eõ kõn meõ im eñtaan.

[6] Ear kõṃṃan bwe in jokwe ilo jikin ko remarok ãinwõt ro im etto aer mej.

[7] Ear wõrwõre eõ bwe in jab maroñ diwõj; Ear kõṃṃan bwe jeen eo aõ en eddo.

[8] Barãinwõt ñe ij kūr ak lamõj Ej abwin roñ aõ jar.

[9] Ear wõrwõre ial ko aõ kõn dekã emõj jekjek; Ear kankeke jikin etetal ko aõ.

[10] Ear ñan eõ ãinwõt juon bear eo ej apãde eo im juon laion ilo jikin ettino.

[11] Ear kajeor ial ko aõ, im Ear imkili eõ; Ear kajepeeplok eõ.

[12] Ear kiele libon eo An, im Ear likūt eõ kein wãkare ñan made eo.

[13] Ear kadejoñ ilo būruõ made ko jãn nien made eo An.

[14] Iar men in men in tõnkake ñan aolep armej ro doõ; raar kajirerekake eõ kõn al aolepen raan.

[15] Ear kobrak eõ kõn meõ; Ear kamat eõ kõn wormwud.

[16] Ear bwilõke ñi ko ñiõ kõn la; Ear juri eõ ilo melkwaarar.

[17] Ear joelok aenõṃṃan jãn aõ; imeloklok jeramṃan.

[18] Innãm ij ba, “Ejako aõ kajoor im aõ kõjatdikdik jãn Jeova.”

[19] Kwõn kememej aõ eñtaan im aõ itoitak, wormwud eo im meõ.

[20] Aõ ekanooj kememej im ebūromõj ilowaõ.

[21] Ij kememej men in, im kõn men in ewor aõ kõjatdikdik.

[22] Kõn jouj an Jeova jejab jako, bwe tūriamokake ko An rejab jemlok.

[23] Rekãal jibboñ otemjej; elap Aṃ tiljek!

- [24] Aõ ej ba, “Jeova aõ kij, kõn men in inaaj kõjatdikdik ilo E.”
- [25] Jeova emman ñan ro rej kattar E, ñan ro rej pukõt E.
- [26] Emman ñan kattar im tõt wõt kõn lomoor eo an Jeova.
- [27] Emman bwe juon emmaan en inek ine eo ke ej emman ded.
- [28] En jijet make ian im tõt wõt, bwe Ear liküte ion.
- [29] En liküt loñin ilo buñalñal; bõlen enaaj wor kõjatdikdik.
- [30] En lelõk jebõn ñan eo ej man e; en obrak kõn jook.
- [31] Bwe Irooj eban joõk ñan indeeo.
- [32] Bwe meñe Ej kaburomõj, Enaaj tũriamokake ekkar ñan jouj eo An eõap.
- [33] Bwe Ejab kaeñtaan ak kaburomõj ro nejin armej kõn An kõñaan.
- [34] Ñan jibede iumwin neen aolep ri jepokwe an laõ,
- [35] Ñan dāpij ekajet jimwe jān juon emmaan imaan mejen Eo Eutiejtata,
- [36] Ñan kabõd juon armej ilo keej eo an -- enana men kein ippān Irooj.
- [37] Wõn ej kõnnaan im ej walõk eñaññe Irooj ejab jiroñ bwe en walõk?
- [38] Ejab jān loñin Eo Eutiejtata bwe jeramman im jerata rej walõk ke? OR Ta, jeraamman im jerata rejab walõk jān loñin Eo Eutiejtata ke?
- [39] Etke juon armej eo emour lotaan, bwe armej rej jerowiwu?
- [40] Jen lale im mallejoñ ial ko ad, im jen rol ñan ippān Jeova.
- [41] Jen kotak bũrued im peid ñan Anij i lañ.
- [42] Kõmar jerowiwu im kipiliia, ak Kwaar jab joõk ad bõd.
- [43] Kwar make kalibubu Eok kõn illu im lukworkwor kõm; Kwaar man im jab tũriamokake.
- [44] Kwar make kalibubu Eok kõn juon kõdõ bwe jar ko ren jab tõpar Eok.
- [45] Kwar kõmman kõm menoknok im kwõpej ibwiljin armej.
- [46] Ri kõjdāt ro am otemjej raar kapellõk loñir nae kõj.
- [47] Jelõñõñ im wutõk, emõj kockure im kajepeepõk kõj.
- [48] River in dān rej tõrõk jān meja kõn jorrāan an jiroñ eo nejin armej ro doõ.
- [49] Meja rej tõrõk aolep iien im jab bõjrak,
- [50] Mae iien Jeova ej reilaõtok im loe.
- [51] Meja rej kametak aõ kõn jiroñ ro nejin jikin kweilõk eo aõ.
- [52] Ri kõjdāt ro aõ rej lukworkwor eõ ainwõt juon bao ke eõjeõk unin.
- [53] Raar kõñaan bwe in mej ilo juon roñ, raar kalibubu eõ kõn juon deka.
- [54] Dān ear tõrõk ion bõra, im iar ba, ‘Ijako.’
- [55] Iar kũr Etam, Jeova, jān ijo emwilal ilo roñ eo.
- [56] Kwar roñ ainikiõ; Kwõn jab nooj lojilñõm jān aõ lamõj.
- [57] Kwaar kepaaktok ilo raan eo iar kũr Eok. Kwaar ba, ‘Kwõn jab mijak.’ \*\*\*\*\*
- [58] O Irooj, Kwaar akweõap kõn keej an aõ; Kwaar pinmuur aõ mour.
- [59] O Jeova, Kwaar lo aõ matõrtõr; Kwõn ekajet aõ keej.
- [60] Kwaar lo aolep aer õõmõak in iden-õne im aolep pepe ko aer nae eõ.
- [61] Kwaar roñ aer kajirere, O Jeova, im aolep pepe ko aer nae eõ;
- [62] Tien ro rej jutak nae eõ im katabalbal ko aer nae eõ aolepen raan.
- [63] Kwõn lale aer jijet im aer jutak; ij al in kajirere eo aer.
- [64] Kwõnaaj naõnaer, O Jeova, ekkar ñan kõmman ko an peir.
- [65] Kwõnaaj kõmman bwe en pilo bũrueir im bwe lia jān Kwe en ioer.

[66] Kwōnaaj lukworkwor er ilo illu im joļok er jān iumwin lañ an Jeova.

#### JEPTA 4

[Li 4.1] Enañin mājkunļok gold eo im oktak gold eo emman! Emōj kejiplōklōk dekā ko rekwōjarjar ilo jabōn aolep ial.

[2] Ro nejin Zaion re jitenbōro raar āinwōt gold erre. Ak kiiō emōj watōk er āinwōt jāpe bwidej, men in kōmman an juon ri kōmman jāpe.

[3] Jakōl ko rej leļok titier im kaninnin ro nejeir, ak jiroñ eo nejin armej ro doō elāj āinwōt juon ostrij ilo āne jemaden.

\*\*[4] Loen niñniñ ej edāp ñan ñaten kōn an maro; ajri redik rej kajjitōk kōn pilawe, ak ejjeļok ej leļok e ñan er.

[5] Emōj kejepeepļok ilo ial ko ro raar mōñā ekkā ko renno; ro im raar kōnak nuknuk kilmir ke raar rūttoļok rej pādōt ilo jikin kalla.

[6] Eļapļok nana an jiroñ eo nejin ro doō jān jerōwiwi an Sodom, eo emōj jolaļok e ilo jidimkij, im ejjeļok ear leļok pein ñan jipañ e.

[7] Ri kwōjarjar ro an raar erre jān snow; raar mouj jān milk; raar bōrōrō jān rubi im raar āinwōt dekā sapair.

[8] Re marok jān kilmej kiiō, armej rejab kile er ilo ial ko; kileir ej kunōk ñan dier, ear mōrāļok āinwōt juon aļ.

[9] Emman ro rej mej jān jāje jān ro rej mej kōn nūtta; rein rej kijeļok im jorrāān kōn an ejjeļok kijeir jān melaj.

[10] Pein kōrā ro rekijoñ tūriamo raar kōmat ro nejeir; raar kijeir ilo ien kōkkure jiroñ eo nejin armej ro doō.

[11] Jeova ear kamat An illu. Ear lutōkļok An illu ebwil. Ear kejo juon kijeek ilo Zaion, im ear kañ pādōt eo an.

[12] Kiñ ro im aolep armej in laļ in raar jab tōmak bwe ri jumae ro im ri kōjdāt ro ren deļoñ ilo kejem ko an Jerusalem.

[13] Kōn jerōwiwi ko an ri kanan ro an im nana ko an pris ro an, ro raar lutōkļok dān ro re wānōk ioļapen,

[14] Raar jebwābwe ilo ial ko āinwōt juon ri pilo; emōj kattoo er kōn bōtōktōk, innām ejjeļok emarōñ uññūr nuknuk ko aer.

[15] “Kōmwin etal! Kōmij ettoon!” rej lamōj ñan er. “Kōmwin etal! Kōmwin etal! Kōmwin jab uññūr kōm!” Ke raar ko, raar barāinwōt jebwābwe. Armej ro ian ri aelōñ ko, “Ren jab bar jokwe ijin.”

[16] Mejen Jeova ear kejeplōklōk er. Eban bar lale er. Raar jab koutiej pris ro ak jouj ñan elder ro.

[17] Ak kōn kōj, mejed remōk, bwe ear ejjeļok tokjān ad kapok jipañ; ilo jikin lale ko ad jaar pukōt juon aelōñ eo ear jab maroñ in lomōoren kōj.

[18] Jejab maroñ etal ilo ial ko kōnke rej lukwarkwar jetnakin need. Epaak jemļokōd; eobrak raan ko ad, bwe emoottok jemļokōd.

[19] Ro rej lukwarkwar kōj remōkaj jān igōl ko ila. Raar kipel kōj ion tōl ko im apāde kōj ilo āne jemaden.

[20] Menonoñ bōtōd, ri kapit an Jeova, epo ilo roñ ko aer. Kōn e, jaar ba bwe jenaaj mour ilo lorin ibulōn ri aelōñ ko.

[21] Kwōn lañlōñ im mōñōñō, kwe jiroñ eo nejin Idom eo ej jokwe ilo āneen Uz. Kab eo enaaj barāinwōt ellā ñan eok; kwōnaaj kadek im make kakelwaan eok.

[22] Emōj kaje eo aṃ, O jiroñ eo nejin Zaion. Eban bar lelōk eok ñan jepōkwe. Enaaj kajeik bōd ko aṃ, O jiroñ eo nejin Idōm; Enaaj kaalikkar nana ko aṃ.

## JEPTA 5

[Li 5.1] Kwōn kememej O Jeova ta eo ear walōk ñan kōm; Kwōn ļōmṃak kake im lo ad jorrāñ.

[2] Emōj lelōk am jolōt ñan ruwamaejet im ṃoko imōm ñan ro ri likin.

[3] Kōm ar erom atajinemjen; ejjeļōk jemem; ro jinōm rej āinwōt limaro ejako pāleir.

[4] Kōmij aikuj wia ad dān in idaak; kōmij kōļļā kōn aļaj.

[5] Ro rej lukwarkwar kōm repaak; kōmij kijeļōk ak kōm jab lo kakkije.

[6] Kōm ar kōttāik kōm ñan Ijīpt im ñan Assiria bwe en bwe pilawe ñan kōm.

[7] Ro jemem raar jerōwiwi, im rejako; kōmij bōk eddo kōn bōd ko aer.

[8] Ri kamakoko rej irooj iom; ejjeļōk en bwe en ļomōoren kōm jān peir.

[9] Kōmij bōk kijem pilawe ilo uwōta kōm am mour kōn jāje eo ilo āne jemaden.

[10] Ebwil kilim āinwōt juon um kōn an kajoor ñuta.

[11] Raar kananaik kōrā ro ilo Zaiōn im virjin ro ilo jikin kweilōk ko in Juda.

[12] Emōj totoik irooj ro kōn peir; raar jab koutiej elder ro.

[13] Likao ro rej jerbal ilo jikin irir, im ajri ro rej tipñōl ke ren inek aļaj.

[14] Ejako elder ro jān kōjjam eo im likao ro jān al ko aer.

[15] Ejako lañlōñ jān būruōm; emōj oktak ad ep ñan liaajlaļ.

[16] Kūrawūn eo ear wutļōk jān baram; Jerata ñan kōm, bwe kom ar jerōwiwi!

[17] Kōn men in, emōjñō būruem; kōn men kein etab mejem,

[18] Kōn tol Zaion, eo ejepeeļōk; fox ko rej etetal ilo e.

[19] Kwe Jeova, Kwōj pād ñan indeeo im Aṃ tūroon jān epepen ñan epepen.

[20] Etke Kwōj melōklōk kōm ñan indeeo im ilōk jān kōm iuṃwin elōñ raan?

[21] Kwōn kajeļaaak kōm ñan Kwe, O Jeova, im kōmnaaj jepļaaak; Kwōn kōkāāl raan ko am āinwōt etto,

[22] Ñe ab Kwaar kanooj joļōk kōm, im Kwōj illu ippem eļap jān joñan.